

# **REGULAMENTO FUNCIONAMENTO DAS ESCOLAS DEPORTIVAS MUNICIPAIS DO CONCELLO DE GUITIRIZ.**

---

*Anuncio*

**APROBACION DEFINITIVA REGULAMENTO DO FUNCIONAMENTO DAS ESCOLAS DEPORTIVAS MUNICIPAIS DO CONCELLO DE GUITIRIZ**

Sendo aprobado inicialmente o "Regulamento do funcionamento das Escolas Deportivas Municipais do Concello de Guitiriz" por acordo adoptado na sesión plenaria ordinaria de data 26/11/2020, e transcorrido o prazo de 30 de días de exposición pública sen presentarse alegacións contra este, elévase a definitiva a aprobación inicial e publícase integramente en cumprimento do preceptuado no art. 70.2 da Lei Reguladora das Bases do Réxime Local, entrando en vigor unha vez transcorrido o prazo previsto no artigo 65.2 da Lei 7/1985 do 2 de abril.

Contra esta disposición administrativa de carácter xeral non caberá recurso en vía administrativa, de acordo co artigo 112.3 da Lei 39/2015, do procedemento administrativo común das administracións públicas, se ben se poderá impugnar directamente diante da xurisdición contencioso-administrativa.

De conformidade co establecido no artigo 46 en relación co 10.1.b), ambos os dous da Lei 29/1998, do 23 de xullo, reguladora da xurisdición contencioso-administrativa, contra o presente acordo de aprobación do regulamento, os interesados poderán interpor recurso contencioso-administrativo diante da Sala do Contencioso-Administrativo do Tribunal Superior de Xustiza de Galicia, no prazo de dous meses, contado a partir do día seguinte ao da publicación deste anuncio no Boletín Oficial da Provincia.

Poderán, así mesmo, interpor calquera outro recurso que estimen procedente ou conveniente.

O texto íntegro do regulamento aprobado con carácter definitivo é o seguinte:

**"REGULAMENTO DE FUNCIONAMENTO DAS ESCOLAS DEPORTIVAS MUNICIPAIS****INDICE****EXPOSICIÓN DE MOTIVOS****TÍTULO PRELIMINAR**

Artigo 1. Obxecto

Artigo 2. Finalidade

**Título I. COMPOSICIÓN E ESTRUCTURA**

Artigo 3. Concellería de deportes

Artigo 4. Coordinación deportiva

Artigo 5. Monitores/as, profesores/as ou adestradores/as

**Título II. USUARIOS/AS**

Artigo 6. Alumnado

Artigo 7. Pais, nais e alumnos/as adultos/as

Artigo 8. Beneficiarios/as

Artigo 9. Dereitos dos/as usuarios/as

Artigo 10. Inscripción

Artigo 11. Inicio e duración do curso

Artigo 12. Asistencias

Artigo 13. Réxime económico financeiro

Artigo 14. Réxime de adestramentos ou clases

**Título III. RÉXIME SANCIONADOR**

Artigo 15. Cumprimento das obrigacións.

Artigo 16. Infraccións

Artigo 17. Sancións

**EXPOSICION DE MOTIVOS**

Os poderes públicos, conforme ao artigo 43.3 da Constitución Española de 1978 deben promover a educación física e o deporte, facilitando a adecuada utilización do lecer.

O deporte constitúe unha actividade de máxima importancia e relevancia nas sociedades modernas. Asíciase directamente a un modo de vida saudable co que se contribúe á mellora das propias condicións físicas, así como a valores de superación, loita, respecto aos demais e ás normas, e de crecemento persoal baseado no esforzo e na mellora do propio rendemento. Todos eles son valores sociais especialmente interesantes no proceso de sociabilidade.

O título II da Lei 3/2012, do 2 de abril, do deporte de Galicia, delimita as competencias das distintas administracións públicas en materia de actividade física e de deporte, como consecuencia da vocación xeralista da propia norma e da necesidade de conseguir que a actuación do conxunto dos poderes públicos responda a criterios e obxectivos comúns.

A citada lei no seu artigo 8 fala das competencias e obrigas dos municipios en canto a deporte se refire: Os municipios, nos termos que dispón esta lei, a lexislación de réxime local e a lexislación sectorial do Estado, exercerán no seu correspondente ámbito territorial as seguintes competencias:

1. Fomentar, promover e difundir o deporte, especialmente o deporte en idade escolar.
2. Promover e, de ser o caso, executar, no ámbito da súa competencia, os programas xerais do deporte, mediante a coordinación coa Administración autonómica, así como coa colaboración con outros entes locais, federacións deportivas galegas ou outras asociacións deportivas.
3. Construír, xestionar, ampliar e manter as instalacións deportivas de titularidade municipal e, de ser o caso, a xestión e o mantemento das de titularidade autonómica cuxo uso e cuxa xestión lles sexan cedidos, tendo en conta a cualificación axeitada do persoal responsable para esas finalidades.
4. Velar pola plena utilización das instalacións deportivas da súa titularidade, procurar a participación das asociacións deportivas do seu ámbito municipal na optimización do seu uso e coidar as súas condicións de hixiene e seguridade.

5. Fomentar e apoiar a creación de asociacións deportivas no seu ámbito territorial, especialmente nos centros de ensino, barrios e centros de traballo.

6. Procurar que nos plans de promoción urbanística se establezan as reservas de espazos e cualificacións de zonas para a práctica de deporte, así como a instalación de equipamentos deportivos e levar un censo actualizado no seu ámbito territorial de instalacións deportivas de uso público, tanto de titularidade pública como privada.

7. Autorizar, consonte os requisitos xerais, a realización de actividades deportivas fóra das instalacións deportivas e en patrimonio público municipal.

8. Organizar campionatos e eventos deportivos de carácter local.

9. Calquera outra actuación que vaia en beneficio do desenvolvemento deportivo local ou que lles poida ser atribuída legal ou regulamentariamente e que contribúa aos fins ou obxectivos desta lei.

10. Os concellos de máis de 5.000 habitantes contarán cunha área de deportes, que poderá ser mancomunada, para contribuír a achegar a actividade físico-deportiva a toda a cidadanía e garantir o pleno aproveitamento social das instalacións.

Neste sentido, no artigo 25 da Lei 7/1985, do 2 de abril, reguladora das bases de réxime local, dentro das materias que constitúen competencias dos municipios, contempla a promoción do deporte e instalacións deportivas, e a de ocupación do tempo libre.

As escolas deportivas municipais funcionan de acordo cun programa municipal que persegue, como obxectivo prioritario, fomentar a práctica da actividade física entre a poboación do municipio, tanto en idades escolares -comprendidas entre os 4 e os 18 anos- como en adultos, naquelas actividades ofrecidas especificamente para eles ou que poden ser compartidas. Este programa desenvólvese nas distintas instalacións deportivas municipais.

Desde o concello de Guitiriz, considérase este programa deportivo como un dos máis importante de cuantos se realizan, tanto polo seu significado, ao estar orientado, por unha banda, á poboación infantil e xuvenil nun aspecto tan primordial para o desenvolvemento como é o deportivo, como por contribución a un gran labor educativo de creación de hábitos saudables e o encauzamento da xuventude cara a actitudes positivas na vida, marcadas entre outros aspectos polo esforzo persoal e o compañeirismo, e para que esta actividade e hábitos poidanse continuar en idade adulta a través das ofertas específicas para eles.

É por iso que o concello de Guitiriz que promociona o deporte, debe ocuparse da regulación do funcionamento das escolas deportivas municipais, polo que se propón a aprobación deste regulamento.

Para efectos de aplicación deste regulamento, será o concello quen clasifique o tipo de actividade: adestramento federado, competición federada, uso libre, actividades físico-deportivas, festivais e actos non deportivos.

-Enténdese como -adestramento federado- a práctica da modalidade deportiva con fin de participación en competición federada por entidades deportivas. Será necesario acreditarlo coa licenza federativa correspondente.

-Enténdese como -competición federada- toda competición das modalidades deportivas recoñecidas polo Consello Superior de Deportes, ou a Secretaría Xeral para o Deporte da Xunta de Galicia, organizada por entidades deportivas. Será necesario acreditar certificación correspondente de participación en competicións federadas.

-Enténdese como -actividades físico deportiva- campus, cursos, competición non federada, práctica de calquera modalidade deportiva e outras actividades de tipo docente, organizada por entidades deportivas ou federacións.

- Enténdese como -uso libre- partidos, xogos deportivos e práctica deportiva en xeral por persoas físicas e non profesional.

- Enténdese como -festivais e actos non deportivos- todos aqueles non recollidos nos supostos anteriores.

O artigo 129 da Lei 39/2015, do 1 de outubro, do procedemento administrativo común, baixo a rúbrica de "principios de boa regulación" dispón que no exercicio da potestade regulamentaria as administracións públicas deberán axustarse aos seguintes principios: necesidade, eficacia, proporcionalidade, seguridade xurídica, transparencia, e eficiencia, xustificando o seu cumprimento na exposición de motivos da norma.

*"1. En el ejercicio de la iniciativa legislativa y la potestad reglamentaria, las Administraciones Públicas actuarán de acuerdo con los principios de necesidad, eficacia, proporcionalidad, seguridad jurídica, transparencia, y eficiencia. En la exposición de motivos o en el preámbulo, según se trate, respectivamente, de anteproyectos de ley o de proyectos de reglamento, quedará suficientemente justificada su adecuación a dichos principios.*

*2. En virtud de los principios de necesidad y eficacia, la iniciativa normativa debe estar justificada por una razón de interés general, basarse en una identificación clara de los fines perseguidos y ser el instrumento más adecuado para garantizar su consecución.*

*3. En virtud del principio de proporcionalidad, la iniciativa que se proponga deberá contener la regulación imprescindible para atender la necesidad a cubrir con la norma, tras constatar que no existen otras medidas menos restrictivas de derechos, o que impongan menos obligaciones a los destinatarios.*

4. A fin de garantir el principio de seguridad jurídica, la iniciativa normativa se ejercerá de manera coherente con el resto del ordenamiento jurídico, nacional y de la Unión Europea, para generar un marco normativo estable, predecible, integrado, claro y de certidumbre, que facilite su conocimiento y comprensión y, en consecuencia, la actuación y toma de decisiones de las personas y empresas.

Cuando en materia de procedimiento administrativo la iniciativa normativa establezca trámites adicionales o distintos a los contemplados en esta Ley, éstos deberán ser justificados atendiendo a la singularidad de la materia o a los fines perseguidos por la propuesta. (...).

5. En aplicación del principio de transparencia, las Administraciones Públicas posibilitarán el acceso sencillo, universal y actualizado a la normativa en vigor y los documentos propios de su proceso de elaboración, en los términos establecidos en el artículo 7 de la Ley 19/2013, de 9 de diciembre, de transparencia, acceso a la información pública y buen gobierno; definirán claramente los objetivos de las iniciativas normativas y su justificación en el preámbulo o exposición de motivos; y posibilitarán que los potenciales destinatarios tengan una participación activa en la elaboración de las normas.

6. En aplicación del principio de eficiencia, la iniciativa normativa debe evitar cargas administrativas innecesarias o accesorias y racionalizar, en su aplicación, la gestión de los recursos públicos.

7. Cuando la iniciativa normativa afecte a los gastos o ingresos públicos presentes o futuros, se deberán cuantificar y valorar sus repercusiones y efectos, y supeditarse al cumplimiento de los principios de estabilidad presupuestaria y sostenibilidad financiera."

En canto aos principios de necesidade e eficacia, considérase moi necesario que o concello de Guitiriz dispoña dunha regulación específica e detallada das distintas modalidades deportivas que imparte e dos dereitos e obrigas dos usuarios das escolas deportivas, dado que esta regulación contribúe á consecución dos fins de interese público perseguidos, e este regulamento e o instrumento normativo máis idóneo para elo.

En canto ao principio de proporcionalidade, o regulamento que se propón límtase a regulación dos aspectos esenciais para o bo funcionamento das escolas deportivas, co contido imprescindible e menos restrictivo de dereitos.

Con respecto ao principio de seguridade xurídica, o regulamento fundaméntase na regulación estatal e autonómica en materia de deportes e ocupación do tempo libre, coas peculiaridades propias das actividades deportivas municipais, coa finalidade de ter un coñecemento e comprensión da regulación e finalidades perseguidas.

En canto ao principio de transparencia, o borrador desde regulamento someteuse ao trámite de audiencia previa para posibilitar a participación activa dos interesados na súa redacción conforme ao artigo 7 da Lei 19/2013, do 9 de decembro, de transparencia, acceso á información pública e bo goberno.

Con respecto ao principio de eficiencia, esta iniciativa normativa evita calquera tipo de cargas administrativas innecesarias ou accesorias, co finalidade de racionalizar, en su aplicación, a gestión de los recursos públicos.

Por último, dado que esta iniciativa normativa non afecta aos gastos o ingresos públicos presentes ou futuros, non se cuantifican ni valoran as súas repercusións e efectos no marco do cumprimento dos principios de estabilidade presupuestaria e sostenibilidade financeira."

## TÍTULO PRELIMINAR

### Artigo 1.-Obxecto.

1.-É obxecto do presente regulamento a regulación do servizo de escolas deportivas municipais prestadas no concello de Guitiriz, ben directamente, a través dos seus propios servizos ou mediante xestión indirecta, nas modalidades previstas na lexislación vixente.

2.-Teñen a condición de escolas deportivas municipais ou actividades deportivas municipais ademais das que están en funcionamento (fútbol sala, voleibol, baloncesto, ximnasia de mantemento, pilates, ioga, atletismo, actividades aeróbicas, patinaxe, rítmica, tenis de mesa, tenis, baile deportivo, golf, artes marciais, taichí, tiro con arco, ciclismo e calquera outro recoñecido por C.S.D) todas aquelas que con este carácter acorde constituír o órgano competente, de acordo coa normativa de réxime local.

### Artigo 2.-Finalidade

1.-As escolas deportivas municipais do concello de Guitiriz teñen por finalidade xeral, por unha banda, ofrecer á poboación escolar do municipio unha formación práctica nas diferentes modalidades deportivas, de forma programada e continuada ao longo de cursos completos nas que se articule a oferta de escolas deportivas e por outra, a ocupación do tempo de lecer, posta en forma ou mantemento daqueles adultos que desexen facer uso das ofertas deportivas das mesmas.

2.-As escolas deportivas municipais, nas súas diferentes modalidades, non pretenden exclusivamente a instrución físico-deportiva, nin teñen como obxecto a consecución de éxitos deportivos, senón que a súa pretensión é conseguir, a través do exercicio físico e a práctica do deporte, os seguintes obxectivos:

- a) A realización da actividade física, mellorando a condición física dos/as nenos/as, xoves e adultos, evitando así o sedentarismo, con todos os beneficios que iso con leva.
- b) A conversión da práctica deportiva e das condutas saudables asociadas ao deporte, en hábitos perdurables ao longo da vida dos nosos/as veciños/as.
- c) A integración de nenos/as, xoves e adultos nunha contorna deportiva próxima ao lugar de residencia, fomentando as relacións sociais.
- d) A formación adecuada da poboación en hábitos, valores e actitudes beneficiosas, tanto para o seu desenvolvemento físico como persoal, tales como o sacrificio, compañeirismo, responsabilidade, disciplina, solidariedade, deportividade, tolerancia e sobre todo, o respecto propio e cara aos demais.
- e) A creación dun clima de convivencia e integración, conseguindo que os/as nenos/as, xoves e adultos gocen do deporte e da actividade física.
- f) O ensino a nenos/as e xoves da aceptación das regras do xogo e a súa normativa, que son extensivas aos casos que a actividade ofertada aos adultos con leve a participación en competicións.

## TITULO I.- COMPOSICIÓN E ESTRUCTURA

### Artigo 3.- Concellaría de deportes

1.-A xestión das escolas deportivas municipais corresponden á concellería de deportes por delegación da alcaldía.

2.-A concellería de deportes poderá variar o número de escolas e/ou equipos segundo as necesidades aconsellen, correspondendo a esta concellería as seguintes atribucións:

- a)-Representar ás escolas deportivas municipais nos actos nos que estas participen, cando iso sexa delegado por alcaldía.
- b)-Tomar as decisións relativas a actividades, acontecementos deportivos, medios materiais e humanos etc.
- c)-Vefar polo bo funcionamento das escolas deportivas municipais.
- d)-Achegar o material deportivo necesario para o desenvolvemento das actividades.

### Artigo 4.-Coordinación deportiva.

1.-O/A encargado/a de deportes do concello de Guitiriz, será tamén o/a técnico/a que coordinará as escolas deportivas municipais, tendo entre outras funcións, as de xestión, seguimento e control de equipos e alumnos/as, en todas as categorías e idades, vixiando o adecuado cumprimento da formación integral dos/as alumnos/as das escolas deportivas municipais.

2.-Igualmente encargarase de solventar calquera dúbida, petición ou reclamación dos alumnos/as, pais/nais e monitores/as ou adestradores/as. Dentro das súas facultades, atópanse tamén a de cambiar aos xogadores/as de equipos ou categorías, sempre que non se incumpran os regulamentos ou normativas das federacións ou outros estamentos, así como a de propoñer á concellería de deportes, o cesamento de calquera monitor/a ou adestrador/a que non cumpra coas súas obrigacións.

3.-Todas as actividades realizaranse gardando as mesmas formas, respecto e compostura esixidos aos compoñentes das escolas deportivas municipais, baixo a supervisión e instrución da concellería de deportes e alcaldía.

### Artigo 5.-Monitores/as, profesores/as ou adestradores/as.

As funcións dos/as monitores/as-adestradores/as son:

- 1.-Atender directamente a actividade do grupo ou equipo da escola que teña asignado, nos horarios de adestramento e de competición.
- 2.-Velar polo bo uso e conservación das instalacións e materiais durante o tempo de uso que se lle asigne a cada grupo, así como o material deportivo.
- 3.-Desenvolver nas sesións os criterios técnicos, didácticos e metodolóxicos establecidos para o seu grupo polo coordinador/a.
- 4.-Acudir ás reunións periódicas que convoque o técnico/a que coordine a escola e seguir en todo momento as directrices marcadas por el/ela.
- 5.-Encher a fichas de seguimento correspondentes ao seu grupo ou equipo da escola.
- 6.-Velar polo correcto comportamento do alumnado nas clases dentro e fóra do terreo deportivo, e en horario de ensino ou competición.
- 7.-Atender en primeira instancia aos pais, nais ou responsables dos/as alumnos/as menores de idade e no caso dos adultos a todos os que participen na actividade.

8.-Tratar a todos os/as alumnos/as por igual, en caso dos menores, con independencia de que dispoñan ou non de ficha federativa.

9.-No caso de participar en competicións, tratar aos membros e compoñentes dos equipos contrarios, así como aos árbitros ou calquera outra persoa que interveña nas escolas deportivas, coa máxima cordialidade, respecto e colaboración.

10.-Para quen dirixa equipos en competición, informarse do día e hora da celebración dos adestramentos e partidos e da súa notificación aos/as xogadores/as e país/nais.

11.-Ter respecto máximo e consideración cara ao funcionamento das escolas así como ás decisións que se tomen nas mesmas, o que se fai extensible a todos/as os/as alumnos/as e ao persoal das mesmas.

12.-Dirixir o adestramento e os partidos sen utilizar malos modos cos/as xogadores/ as, tratándoos con respecto e educación.

13.-Non fumar nin consumir bebidas alcohólicas, ou calquera outra substancia nociva, no desempeño das súas funcións, con anterioridade e posterioridade aos adestramentos e partidos. Cando teña aos/as alumnos/as ao seu cargo non utilizar os móbiles durante as sesións nin partidos, excepto por unha urxencia.

14.-Recibir a información ou documentación referente aos seus equipos, que se lles facilitará polo coordinador.

15.-Como representación e imaxe do propio concello, o trato os/as alumnos/as e así mesmo o destes e os seus dirixentes (monitores/as, profesores/as, adestradores/as e directivos/as) deberá ser o máis correcto e respectuoso posible, tanto coas normas de uso interno, como coas que rexen na competición, así como cos/as árbitros/as e compoñentes doutros equipos, prestando a maior colaboración en cantas cuestións xurdan.

16.-Calquera outra tarefa análoga que se lle encomende.

17.-Custodiar e respectar pola lei de protección de datos as listaxes con datos do alumnado.

## **TITULO II.- USUARIOS/AS**

### **Artigo 6.-Alumnado.**

1.-Todo o alumnado posuirá idénticos dereitos e obrigacións dentro da escola, sen discriminacións de ningún tipo.

2.-Os dereitos do alumnado son os seguintes :

a) Participar nas clases ou adestramentos a un nivel compatible coa madurez e facultades de cada alumno/a.

b) Sempre que existan posibilidades e medios para elo, participar en competicións a un nivel compatible coa madurez e facultades de cada alumno/a, baixo o criterio técnico establecido polo/a técnico/a de deportes, en réxime de igualdade co resto de alumnos/as e baixo o cumprimento dos deberes que lles incumbe.

c) Contar con profesores/as, monitores/as ou adestradores/as responsables e debidamente cualificados/as que lles ensinen.

d) Ter o material necesario para as clases, os equipamentos ou roupa que necesiten para as clases ou competicións serán compradas polo alumnado, segundo directrices das escolas, de que cor e tipo de roupa, sendo esta propiedade do alumno/a.

e) Ser tratado con dignidade.

f) Participar nun ambiente san e seguro.

3.-As obrigacións do alumnado son as seguintes :

a) Observar en todo momento un comportamento correcto aos seus compañeiros/as, profesores/as, monitores/as, árbitros, adversarios/as, espectadores/as etc.

b) Seguir as indicacións técnicas e de comportamento marcadas polo/a técnico/a de deportes, monitores/as, profesores/as ou adestradores/as e demais responsables das escolas deportivas municipais.

c) Respectar o regulamento de uso e funcionamento dos polideportivos e instalacións municipais de Guitiriz, onde se desenvolva a actividade.

d) Participar nas clases, entenos e competicións no seu caso, marcados pola dirección das escolas.

e) Realizar os pagos e presentar a documentación obrigatoria nos prazos estipulados. Aquel alumno/a que teña un recibo devolto non poderá seguir ata que sexa efectivo. Se queda algún recibo sen pagar para a tempada que vén non se poderá anotar ás escolas mentres non se paguen. Calquera alumno/a cando sexa maior de idade ou no seu caso o/a titor/a legal do alumno/a cando sexa menor de idade con problemas económicos debe poñelo en coñecemento da dirección das escolas, para estudalo e poder ter dereito a descontos ou exencións de pago segundo as circunstancias. Deberán comunicarse as baixas das escolas no concello antes de comezar o mes, para que non lle pasen o recibo.

f) Respectar e coidar o material.

g) Manter o compromiso coa escola durante o tempo que dure a ficha federativa e o curso da modalidade deportiva correspondente.

h) Asistir a clases ou entrenos, a ausencia dun mes sen causa xustificada implicará perda da praza como alumno/a.

i) Ningún/a alumno/a menor de idade poderá marchar só, nin vir buscalo ninguén que non sexan os seus pais ou titores legais, sen previo aviso e asinar unha autorización, onde os seus pais ou titores legais autorízano.

#### **Artigo 7.- Pais, nais e alumnos/as adultos/as.**

1.-A inscrición do alumnado nas escolas deportiva municipais supón o coñecemento por parte dos adultos/as, pais e nais dos menores, do ideario e demais normativa das escolas, debendo cumprir as mesmas, e no caso dos responsables dos/as menores procurando que estes as respecten.

2.-Os dereitos e obrigacións dos/as alumnos/as, pais e nais do alumnado recollidos no presente regulamento, entenderanse referidos no caso de ausencia destes, ao titor/a ou representante legal do alumno/a -menor de idade -, sendo os mesmos os seguintes:

a) Facilitar, ao principio de cada tempada, os datos identificativos, administrativos e autorizacións pertinentes, que lles sexan solicitados desde as escolas deportivas municipais.

b) Responsabilizarse de que a documentación presentada, estea en vigor e de entregala nos prazos estipulados.

c) Comprometerse a efectuar os pagos na forma e prazos legalmente establecidos, para formar parte das escolas.

d) Asistir ou levar aos fillos/as con puntualidade ás clases ou entrenos, así como a eventos cívicos e deportivos programados.

e) No caso de que os menores compitan, procurar acompañar ao equipo e colaborar no desprazamento dos/as xogadores/as ás instalacións deportivas alleas, cando o concello non poña transporte ou as institucións pertinentes.

f) Deberán de absterse durante o desenvolvemento dos entrenos ou partidos, incluídos os descansos, de aconsellar ou recomendar, tanto aos xogadores/as como aos adestradores/as, accións que sexan competencia exclusiva do adestrador/a ou monitor/a.

g) Asumir as decisións dos/as adestradores/as ou o/a coordinador/a que afecten o equipo do seu fillo/para respectando as indicacións dos/as adestradores/as en entrenos ou partidos.

h) Absterse de utilizar un vocabulario soez ou de ter actitudes pouco correctas cos árbitros, adestradores/as, xogadores/as e pais/nais, propios e contrarios.

i) Facilitar e apoiar o labor dos/as adestradores/as e delegados/as de equipo,

j) As escolas terán un seguro de responsabilidade civil do concello, así como un seguro médico para as distintas actividades que non sexan a través de federacións ou Xunta de Galicia, as cales terán o seu seguro aparte. Calquera alumno/a que teña que ser atendido por lesións producidas en calquera actividade, deberá comunicalo ao adestrador/a ou monitor/a, e este saberá o que ten que facer cumprindo o protocolo. Calquera alumno/a que utilice o seguro médico pola súa conta tanto privado como público será baixo a súa responsabilidade, e facturaránlle a consulta ao alumno/a, non facéndose responsable as escolas deportivas municipais.

k) Animar, axudar e colaborar en todo aquilo que favoreza a boa marcha das escolas.

l) Ser informados da marcha deportiva e do comportamento dos seus fillos/as.

m) Será responsabilidade de quen faga fotos ou grave vídeos nos recintos deportivos municipais e a súa mala utilización.

#### **Artigo 8.- Beneficiarios/as.**

Poderán ser beneficiarios/as do servizo de escolas deportivas municipais de Guitiriz tanto a poboación infantil e xuvenil con idades entre os 4 e 18 anos de idade, como aqueles adultos que desexen participar da oferta de actividades destinadas para eles/as.

#### **Artigo 9.- Dereitos dos/as usuarios/as.**

1.-Os/as usuarios/as do servizo teñen dereito a recibir a prestación das escolas, nas diferentes modalidades existentes, como naquelas outras que poidan crearse no futuro, en réxime de igualdade e de acordo co establecido neste regulamento e demais normativa de aplicación, partindo das sesións programadas xa sexan de clases aprendizaxe deportiva e a utilización de instalacións deportivas municipais.

2.-O material docente necesario será achegado polo concello ou no seu caso pola empresa que xestione o servizo, salvo patíns, raquetas ou calquera material considerado de carácter persoal.

**Artigo 10.- Inscripción**

1.-Con carácter anual informarase, mediante a páxina web do concello, a cartelería e en prensa, ou no seu caso en calquera outro medio que se considere adecuado, a apertura do prazo para solicitar a inscrición nas diferentes escolas deportivas municipais. Con carácter xeral o prazo de inscrición abrirase en maio para fútbol sala, e en setembro para o resto de actividades, e en ningún caso será inferior a 15 días hábiles.

2.-As solicitudes de inscrición realizaranse no rexistro xeral do concello de Guitiriz, en modelo normalizado aprobado para o efecto. A admisión de alumnos/as farase por rigorosa orde de inscrición, no caso de que presenten máis solicitudes de alumnos/as que prazas dispoñibles.

Cubertas as prazas anualmente dispoñibles, procederase a constituír unha lista de espera, inscribíndose na mesma os/as alumnos/as que non teñan praza a efectos de que, con toda a garantía sinalada no apartado anterior, procederase á cobertura de vacantes ou baixas que se produzan durante o curso sempre que sexa posible tecnicamente.

3.-Se na documentación presentada xunto coa solicitude de inscrición se observasen omisións ou algunha incorrección requirirase ao interesado/a, de conformidade co indicado no artigo 68 da Lei 39/2015, do 1 de outubro, do procedemento administrativo común, para a súa subsanación no prazo de dez días hábiles a computar desde a notificación do requirimento, de maneira que, se non se emendase en prazo, terase por desistido no seu dereito.

**Artigo 11.- Inicio e duración do curso**

1.-Previo inicio das escolas, o concello de Guitiriz, a través do técnico/a de deportes, se fose necesario convocará unha reunión informativa de todas as escolas ou por separado, onde se dará coñecemento do inicio e horarios de clases e entrenos, así como do funcionamento das escolas. Tamén se poderá informar do inicio e horario das escolas vía páxina web e cartelería.

2.-As clases nas escolas iniciaranse con carácter xeral o 1 de outubro e terán os mesmos períodos vacacionais que os sinalados pola Consellería de Educación da Xunta de Galicia, e terminarán o 31 de maio. En caso da escola de fútbol sala federada empezarán en setembro e terminará en xuño por motivo das competicións.

Os paros na actividade dos adultos nos períodos de vacacións, dentro do curso das escolas, poden diferir dos paros das actividades dos/as nenos/as.

**Artigo 12.- Asistencias.**

1.-A non asistencia ás clases ou entrenos -partidos, sen causa xustificada, de máis de 3 días seguidos ou dun mes en días alternos, será causa para acordar a baixa do alumno/a, procedéndose a cubrir a praza na forma descrita no apartado deste artigo.

2.-O/a alumno/a que, por enfermidade ou calquera outra causa (viaxe-traballo, ect.) teña que deixar de asistir ás clases ou entrenos durante un período de tempo prolongado, e desexe continuar mantendo a praza deberá comunicalo e ademais xustificalo por escrito nas oficinas do concello, para que non sexa dado de baixa, só por enfermidade ou lesión non se pasará a cota, calquera outro caso terá que seguir pagando.

**Artigo 13.- Réxime económico financeiro.**

1.-O servizo das escolas deportivas municipais finánciase coas tarifas que se perciban dos usuarios/as, a achega do Concello, así como por calquera doutros ingresos de dereito público ou privado se os houbese.

2.-Os/as usuarios/as deberán satisfacer, unha vez sexan admitidos/as nas escolas e sexan coñecedores dos horarios o correspondente prezo público, aprobado para o efecto pola corporación municipal, mediante ordenanza fiscal.

3.-As tarifas poderán ser revisadas anualmente para adecualas á valoración dos custos reais procurando que a súa entrada en vigor coincida co comezo do curso. Nesta revisión poderán incorporarse prezos en materias novas que se impartan na escola ou suprimirse prezos de materias que deixan de impartirse.

4.-Só se procederá á devolución do importe das taxas naqueles casos, que pola gravidade do suceso, cambio de residencia, lesión longa ou enfermidade que se xustifique. Na devolución contemplaríase, segundo o caso, o total do importe ou a parte proporcional sobre o total abonado.

**Artigo 14.- Réxime de adestramentos ou clases.**

1.-As clases e entrenos das escolas efectuaranse a porta pechada, salvo autorización da concellería de deportes. Só poderán acceder aos mesmos os/as alumnos/as inscritos na actividade.

2.-Os horarios serán fixados e distribuídos pola concellería de deportes, a través do seu técnico/a de deportes e atendendo ás circunstancias concorrentes de acordo co establecido no artigo 11 do presente regulamento.

3.-Os profesores/as, monitores/as ou adestradores/as deberán estar presentes nos entrenos ou clases que lles corresponda, como mínimo 15 minutos antes de empezar os mesmos, de maneira que poidan organizar o material para utilizar e o acceso dos alumnos/as á instalación, vestiario e á pista.

4.-En todas as sesións de adestramento os/as profesores/as ou monitores/as anotarán a asistencia, e terana preparada para cando a pida o/a técnico/a de deportes.

5.-Nas clases e entrenos non poderá participar ningún alumno/a que non estea previamente dado de alta e admitido na escola con seguro deportivo e que non figure na relación co visto e prace do encargado/a de deportes, que lle será entregado ao monitor/a.

6.-As zonas utilizadas para a aprendizaxe deberán quedar en perfecto estado unha vez finalizada a actividade, retirando calquera material que se utilizase, que deberá ser posto no seu lugar.

7.-Durante os entrenos ou clases e partidos o/a monitor/a será o máximo responsable dos/as alumnos/as e de canto poida ocorrer no transcurso dos mesmos, polo incorrecto uso do material, instalacións ou actividades ordenadas por eles.

8.-O desenvolvemento do adestramento correrá a cargo do monitor/a de o equipo, o cal o levará a cabo segundo criterios técnicos deportivos e cumprindo as directrices de traballo que se indiquen desde a concellería de deportes.

9.-Se o monitor/a correspondente dunha actividade está de baixa ou non puido vir un día por causa de forza maior, tentarase cubrir a súa ausencia canto antes, ou se recuperaría a clase outro día.

10.-Os/as alumnos/as poderán utilizar as duchas ao final das clases ou partidos, dispoñendo para iso de 15 minutos.

11.-Se se suspende un entreno ou clase porque o concello necesita a instalación para outra actividade ou partido, avisarase con tempo suficiente aos/as alumnos/as. Estas clases ou entrenos recuperaranse outro día ou se reaxustará con outros grupos, dándolle sempre solución para non perder as clases.

12.-Está prohibido levar aos entrenos -partidos e outras actividades que organice a concellería de deportes, móbiles- tablets etc., a menores de 13 anos, serán responsables os seus pais ou titores.

Os maiores que os leven non poderán utilizalos nas horas de clase ou entreno nin nos vestiarios, só cando o monitor o autorice. Calquera problema con estes dispositivos será responsabilidade dos seus pais ou titores. Se algún alumno/a por calquera motivo necesita chamar, dirallo ao monitor/a.

### **TITULO III.- REXIME SANCIONADOR.**

#### **Artigo 15.- Cumprimento das obrigacións.**

1.-A concellería de deportes, o/a técnico/a de deportes, a empresa contratista dos/as monitores/ as, e os/as monitores/as das distintas actividades, poñerán especial coidado na prevención do cumprimento das obrigacións establecidas nesta normativa, mediante a colaboración constante.

2.-Os/as profesores/as, monitores/as ou adestradores/as poderán adoptar as medidas inmediatas que consideren pertinentes para manter a orde dentro do equipo, comunicándoas, coa maior brevidade posible, ao técnico/a de deportes, sen prexuízo de accións posteriores.

#### **Artigo 16.-Infraccións**

As infraccións clasificaranse en leves, graves e moi graves, tal e como se sinala a continuación:

##### **A.-Infraccións leves.**

1.-Faltas inxustificadas de puntualidade.

2.-Faltas inxustificadas non reiteradas a entrenos.

3.-Non comunicar ao monitor/a anomalía ou falta de asistencia a clase, entrenos ou partidos coa suficiente antelación cando isto sexa posible.

4.-Actitude pasiva nos entrenos ou clases e partidos.

5.-Falta de respecto aos/as compañeiros/as, monitores/as nos entrenos, partidos, outras actividades e desprazamentos, así como esta actitude con outros xogadores/as ou árbitros.

6.-Actos de indisciplina, inxuria ou ofensas non graves.

7.-Calquera acto inxustificado que altere levemente o normal desenvolvemento das actividades das escolas deportivas municipais.

8.-O incumprimento do establecido neste regulamento, sempre que non estea calificado como infracción grave ou moi grave.

##### **B.-Infraccións graves.**

1.-Faltas inxustificadas e reiteradas de asistencia a clase- entrenos ou partidos.

2.-Falta de respecto reiterado e continuo a compañeiros/as, adestradores/as, así como calquera comportamento incorrecto e falta de respecto de carácter grave que se leve a cabo nas clases ou desprazamentos.

3.-Os actos de indisciplina, inxuria ou ofensa aos membros das escolas deportivas e as persoas que interveñen nas mesmas, e outros actos graves en deterioro da imaxe das escolas.

4.-A agresión física grave a membros das escolas ou doutros equipos, así como a árbitros ou espectadores/as.

5.-Os actos inxustificadas que alteren gravemente o normal desenvolvemento das actividades das escolas.

6.-A comisión de tres infraccións leves nun mesmo curso ou tempada.

C.-Infraccións moi graves.

1.-Os actos de indisciplina, inxuria ou ofensa moi grave aos membros das escolas e ás persoas que interveñen nas mesmas, e outros actos graves en deterioro da imaxe das escolas deportivas municipais.

2.-A agresión física moi grave a membros das escolas ou doutros equipos, así como árbitros, espectadores/as etc.

3.-O comportamento impropio ou antideportivo dos/as profesores/as, monitores/as ou adestradores/as.

4.-A comisión de tres infraccións graves durante unha mesma tempada.

5.-A utilización de dispositivos móbiles en sitios prohibidos, ou a mala utilización das fotos ou vídeos.

#### **Artigo 17.-Sancións**

1.-Os actos constitutivos de infracción, serán sancionados conforme se dispón neste artigo. Para a gradación das sancións teranse en conta, a intencionalidade, negligencia ou a gravidade da acción cometida.

2.-Como consecuencia das infraccións leves, poderase impoñer unha sanción consistente na perda de asistencia a entenos ou a participar co equipo nas competicións atendendo ás circunstancias concorrentes.

3.-Como consecuencia das infraccións graves, poderase impoñer unha sanción consistente na suspensión da asistencia ás clases ou á práctica deportiva por un tempo comprendido entre 8 días e os 3 meses, atendendo ás circunstancias concorrentes.

4.-Como consecuencia das infraccións moi graves, poderase impoñer unha sanción consistente na perda da condición de persoa usuaria das escolas. A perda da condición de persoa usuaria, como consecuencia da sanción con leva a perda da taxa que se abonou.

5.-No caso do comportamento impropio ou antideportivo, dos/as monitores/as ou adestradores/as, que con leve a imposición de sancións económicas por parte de organismos ou entidades, conlevará a dedución proporcional das cantidades mensuais a abonar ao monitor/a, adestrador/a, e mesmo podería levar á súa despedida como traballador/a de as escolas.

6.-En caso de incumprimento, e con independencia da sanción que, no seu caso, resulte aplicable pola comisión dunha infracción, a persoa que forme parte das escolas deberá proceder no caso de que produciñen danos, á reparación, reposición e/ou abono dos danos causados.

7.-Iniciado o expediente sancionador, poderase adoptar en calquera momento do mesmo, as medidas provisionais imprescindibles para o normal desenvolvemento do procedemento, asegurar o procedemento da sanción que puidese impoñerse ou evitar a comisión de novas infraccións.

8.-Calquera eventualidade non recollida nas normas de funcionamento será resolta pola concellería de deportes na forma motivada atendendo ás circunstancias concorrentes."

Guitiriz, 25 de xaneiro de 2021.- A alcaldesa, María Sol Morandeira Morandeira.

R. 0183